

Universitätsbibliothek Paderborn

M. Fabii Quintiliani Institutionum Oratoriarum Libri Duodecim

Summa diligentia ad fidem vetustissimorum codicum recogniti ac restituti

M. Fab. Quintiliani Declamationes Undeviginti. M. Fabii Avi Et Calpurnii
Flacci Declamationes. Auctoris Incerti Dialogus De causis corruptae
Eloquentiae - Cvm Variorum Notis

Quintilianus, Marcus Fabius

Lugd. Batav. ; Roterodami, 1665

CCCVIII. Duo testamenta.

urn:nbn:de:hbz:466:1-12889

M. FAB. QUINTILIANI
FINIUNT TRACTATAE,
INCIPIUNT COLORATAE.

CCCVIII.

Duo testamenta.

TESTAMENTA ULTIMA RATA SINT. INTESTATORUM
SINE LIBERIS MORTUORUM BONA PROXIMI TE-
NEANT. Quidam primo testamento instituit hæredem amicum:
secundo factò, alterum. Decessit: posterius testamentum damna-
tum est. Ambigunt de bonis, priore testamento hæres scriptus, &
propinquui.

DECLAMATIO.

ET in more civitatis, & in legibus positum est, ut quo-
tiens fieri potuerit, defunctorum testamento stetur:
idque non mediocri ratione. Neque enim aliud videtur
solarium mortis, quam voluntas ultra mortem: alioqui
potest grave videri, etiam ipsum patrimonium, si non in-
tegram legem habet: & cum omne jus nobis in id permit-
tatur viventibus, auferatur morientibus. Proximum lo-
cum à testamentis habent propinqui: & ita, si intestatus
quis ac sine liberis deceperit. Non quoniam utique justum
fit, ad hos pervenire bona defunctorum, sed quoniam re-
licta, & velut in medio posita, nulli proprius videntur
contingere. Nihil est ergo, quod nos onerare tentent no-
mine isto propinquitatis jactatione sanguinis & naturæ,
homines ⁱbinis jam tabulis exhaeredari. Et sane quotiens
quæstio juris est certi, & à majoribus constituti, nihil ne-
cessè est laudare leges, quibus utimur, & ad quas vobis
judicandum est. Quæstio igitur totius causæ nostræ (ut
opinor) in eo consistit, an amicus meus intestatus decesse-

ⁱ Binis jam tabulis exhaeredati.] Nam præteritio suorum, quasi quadam exha-
redatio est: nota vero non exigua, ^{rit.} *Et* dīs,

rit. In qua parte delector, nihil tam obscure, nihil tam clam esse factum, ut nobis probandum sit. Interrogo vos igitur, propinqui, an hic quem intestatum decepsisse dicitis, scripsit aliquando testamentum? Interrogo vos, an haec tabulae quae ex parte nostra proferuntur, testati sunt. Intelligitis a me signum: an omni jure conscriptae vel tabulis soletis damnare? Non id agunt, utrum non fecerit testamentum, sed intestatum volunt videri eum, quia non semel fecerit. Scripsit, inquit, & alteras tabulas, appetet quam noluerit intestatus mori. Neque ego negaverim, non uno genere fieri intestatos. Aut enim is est intestatus, qui non scripsit omnino testamentum: aut qui id scripsit, quod valere non possit. Vos eligite quem velitis esse intestatum. Si eum qui non scripsit: non est hic cuius de bonis agitur: bis enim scripsit. Si eum videri vultis intestatum, qui vitiosum scripsit testamentum: hoc confiteamini necesse est, vitiosum testamentum esse pro non scripto. Hoc igitur supremum, quero sitne testamentum? Si confitemini esse testamentum, non potest videri intestatus decepsisse. Si non est testamentum (² sic non est, quia non jure factum est) nihil obstat priori potest. Venio nunc ad meam legem. TESTAMENTA ULTIMA RATA SINT. Habet sine dubio (si verba tantum ipsa intueri velimus) hoc jus, occasionem brevem calumniæ. Quid si enim unum aliquis scripsit testamentum? ³ Potest videri novitium quod magis jure primum dixerimus. Sed quemadmodum inter plurima testamenta, ultimum valere oportet: ita haec manifesta legis voluntas est, ut id testamentum

¹ *Esse pro non scripto.*] Si posterius testamentum, pro non scripto habebitur (ut certe quidem) prius manebit firmum. Ergo excludentur propinqui, quibus succedendi locus non est ex legge 12. tabularum, quandiu ex testamento defertur hereditas. *Idem.*

² *Sic non est, quia.*] Conjeceram: ut non est, quia non jure factum est. Nunc vi-

deo & Aerodium dedisse: sicut non est. Gronovius.

³ *Potest videri novitium.*] Sic Pithœus nam Aerodus: potest videri hoc ultimum. Thaddæus: potest videri non vitium. Scribe per interrogationem: potest videri novissimum, quod magis jure primum dicemus? *Idem.*

mentum valeat, post quod nullum testamentum est. Neque est incredibile, sine dubio, etiam ante hoc testamentum, quo ego hæres factus sum, scripsisse illum alia testamento, hominem frequenter hoc facientem. Ita & ultimum videri potest, si post alia scriptum est: & si primum scriptum est, quia nullum tamen est, quod vincat, & potius sit postea, pro ultimo habendum est. Sublatum dicunt prius testamentum posteriore testamento. Neque ego infi-
cior, si jure factum sit testamentum, hoc est, si testamentum est, potentissimam esse defuncti proximam quan-
que voluntatem: sed nego ullum postea factum testamen-
tum. Quid est enim testamentum? ut opinor, voluntas defuncti consignata jure legibusque civitatis. Non dixe-
rim ego testamentum, cui numerus signatorum deest: non dixerim testamentum, cui libripens & emptor familiæ,¹ & cætera ²juri necessaria. Tabulæ erunt: fortasse & scri-
ptum erit. Et hoc (ut paulo ante dicebam) vestra quoque manifestum confessione est, non esse velut testamentum.
Facto enim illo dicitur propinquum vestrum intestatum fuisse. Hoc proprius colligamus: putemus enim factum esse unum hoc testamentum, quod damnasti: num dubium erit, quin ad vos bona pertinuerint, tanquam intestati, id est, quin ita hæredes futuris fueritis, tanquam ille omnino testamentum non fecisset? quod si hoc pro non facto est, nec testamentum quidem videri potest. Fingamus fuisse ultimum testamentum: quando quærimus? Pu-
to cum res in lite est, cum in disputatione. Nec pertinet ad nos quod fuerit ultimum, sed quod sit. Si jus utriusque testamento constaret, fuisset illud ultimum, quod postea factum est: illo vero sublato incipit ultimum esse, quod

relictum

¹ Et cætera juri necessaria.] Jure, opinor. Idem.

² Juri necessaria deerunt.] Ut quinque liberi cives Romani, testium signa, filiorum institutio vel exhaeredatio, &c. Hæc si defint (inquit) tabulæ quædam

esse poterunt, aut privata alia quidem scriptura: sed non testamentum, quia non conscriptum jure legibusque civitatis: non voluntatis suæ justa sententia, ut Modestinus ait lib. 2. Pandectarum. *Aerodius.*

relictum est, ¹ ut intentione cursus, qui proximus ab ultimo fuerit, si defisstat ultimus, in nomem illius locumque succedit. Ergo ut non fuerit ultimum meum aliquando testamentum, nunc ultimum est, & vos id testamentum fecistis, damnando id quod postea factum erat.

S E R M O.

Hoc ad verba legis, illud ad voluntatem.

D E C L A M A T I O.

Quid putamus sequutam esse legem, quæ valere voluit ultimum testamentum? Plura valere non poterant: & in tam mutabili natura humanorum animorum, diversis hæreditibus, media lis relinquebatur: optimum videbatur esse ut proxima quæque voluntas duraret. Hac vero sublata, necesse esse eam durare, quæ sola est. Fecit amicus meus eo tempore, quo me instituebat hæredem, legitimum testamentum: nam & constabat ei tum judicium: quo minus erubesco ista mutatione hæredis. In his tabulis alius legitur, quæ jus non habuerunt, quæ non lege conscriptæ sunt, quæ fortasse etiam propter hoc damnatae sunt, quod indignus hæres videbatur. In comparatione summa non recusabo, quo minus vel propinquos istos amicitiae conferratis. Per se mihi vel sanctius nomen amici videtur. Hoc enim proficiscitur ab animo: hoc proficiscitur à proposito. Istud dat casus conditio nascendi, & quæ non sponte nostra eliguntur. Me hæredem esse, amicus meus (quod satis est) aliquando voluit, ² vos nunquam eo tempore, quo judicabat, neque eo tempore, quo errabat.

S E R M O.

Illa, jam communia pro omnibus testamentis.

D E C L A M A T I O.

Non tantum ad hæredem ista lis pertinet. Aliquem for-

taffe

¹ Ut intentione cursus.] Scribe: *ut in contentione cursus.* Gronovius

neque eo tempore, quo judicabar; neque eo, quo errabat. Erodius: *vos nunquam neque.*

² Vos nunquam eo tempore.] Lege: *vos* sed media vox supervacanea. Idem.

tasse amicorum honoravit, aliquem fortasse servorum manumisit. Vos pœnam quandam propinquō vestro constituitis, ut intestatus decesserit, & bona tanquam relicta, tanquam deserta invadatis.

CCCIX.

Raptor convictus.

Edueta ad magistratum, adolescentis, à quo esse vitiata dicebatur, nuptias optavit. Ille negavit se rapuisse: judicio contendit: victus est: non recusat ducere. Illa optare vult.

SERMO.

³ Actio debet adolescentis esse summissa: nam etiam si nullo themate ad id alligatur, ut necesse sit eum raptorem videri: rei tamē judicatæ facere controversiam non potest: & videtur mihi hunc modum custodire debere, ut de raptu ³ nihil neget: nihil tamen sciat.

DECLAMATIO.

Non aliud, judices, causæ meæ aptius, aut verecundiæ necessarium magis est, quam ut puellæ mitissimæ clementissimæque gratias agam. Lege permittente omnem in me potestatem, optare nuptias etiam festinavit, nondum me rogante, nondum (⁴indicare enim suppliciter

¹ Pœnam quandam servo.] Rupto, injusto, vel irrito facto testamento, & libertates cum legatis amittuntur. Ergo in pœnam quodammodo servorum, testamentum ad intestati causam recidit. Quid si ita legamus? Vos pœnam quandam tanquam servo constituitis, &c. ² Erod.

² Ejusdem argumenti declamatio est apud Senecam lib. 7. Declamat. ult. & lib. 4. contrav. 4. Atque hinc facile, ut ex multis aliis locis, perspicere licet, quam in tractandis his questionibus, & colorata oratione vesiendis, hos omnes Quintilianus antecelluerit, quorum variis sermones collegit Seneca, libris illis Controversiarum. Idem.

³ Nihil neget, nihil tamen sciat.] In hoc certe rectius & magis accommoda-

te, quam & Latro, & Varius Geminus, qui uti vel negandum, vel confitendum omnino eset, ita pro eo dixerunt qui rapuit. Color igitur Quint. aprior. Idem.

⁴ Judicare enim suppliciter.] Alias judicare enim se supplicantem necesse est, hoc est, condemnare se, & raptorem satari, ut sint hæc verba Quintiliani conversa ad discipulos. ⁵ Erodius. Indicare enim suppliciter.] ⁶ Erodius edidit: nondum me judicare enim: & præterquam, quod in notis, ad marginem ait, alios legere, ut appareat legendum ex sequentibus: advocare enim amicos supplices. At tu habe: nondum (⁷indicare enim suppliciter necesse est) rogante. Declam. 315. Ego si melior essem pater, illud quoque suppliciter confiterer. Gronovius.